

KANTONALNA  
PRIVREDNA  
KOMORA TUZLA,  
BROJ 5/6  
MAJ/JUNI  
2015. GODINE



# KOMORSKI INFORMATOR



**"OMEGA" POMAŽE  
"DITI", SPREMNI INVE-  
STIRATI U SIROVINE**



**SASTANAK PREDSED-  
NIKA OBRTRNIČKE I  
PRIVREDNE KOMORE**



**NAJBOJA ONLINE PRO-  
DAVNICA "OMEGA WEB  
SHOP"**



**PREDSTAVLJAMO:  
"IBRA" doo TUZLA**

**KOMORSKI  
INFORMATOR**  
broj 5/6 - maj/juni 2015.

Poštovani čitaoci!



**KANTONALNA  
PRIVREDNA  
KOMORA TUZLA**

**Izdavački savjet:**

1. Nedret Kikanović, predsjednik
2. Mirsad Kukić, član
3. Bajazit Jašarević, član
4. Suad Selimović, član
5. Nurdin Žunić, član

**Redakcijski kolegij:**

1. Nedret Kikanović, član
2. Esad Arnautović, član
3. Nurudin Žunić, član
4. Suad Selimović, član

**Izdavač:**

Kantonalna privredna komora Tuzla

**Gl i odgovorni urednik:**

Dino Kalesić, dipl. žurnalista

**Tehnička priprema, repro i štampa**

C.P.A. Tojšići- Kalesija

**Za štampariju:**

Vildan Uščuplić - generalni direktor

**Tiraž:**

500 primjeraka,

**Adresa:**

Trg slobode bb  
e-mail:komora@kpkt.ba  
<http://www.kpktz.ba>

Ministarstvo obrazovanja, nauke, kulture i sporta na osnovu Člana 19. tačka 13. stav 2. Zakona o porezu na promet proizvoda i usluga ("Sl. novine Federacije Bosne i Hercegovine", broj: 6/95 i 25/97), rješavajući o zahtjevu Kantonalne privredne komore Tuzla broj: 10/15-4481/99. od 30.04.1999. godine, dalo je mišljenje o oslobađanju poreza na promet glasila "Komorski informator".

Komorski informator za maj i juni 2015. godine donosi informacije o nekoliko aktivnosti u okviru Programa rada komorskih udruženja. Održani su sastanci odbora udruženja, neki i u proširenim sastavima, Udruženja za hemiju i nemetale, Udruženja za trgovinu, ugostiteljstvo i turizam, Udruženja za promet i komunikacije, Udruženja za

poljoprivredu i prehrambenu industriju. Zanimljiv prijedlog je stigao iz Rudnika soli Tušanj kada je u pitanju odlaganje otpada iz "bijelog mora". Prijevoznici sa područja Tuzlanskog kantona imaju probleme nenaplaćenih računa od Ministarstva finansija. Iz Udruženja za trgovinu, ugostiteljstvo i turizam je stigla podrška uvođenju licenciza turističke agencije i ponuđena još kvalitetnija saradnja. Raspravljalo se o radu stanica za tehnički pregled vozila a poljoprivrednici su, sada već tradicionalno, nezadovoljni Programom novčanih podrški.

Niz je aktivnosti i u oblasti sajamskih manifestacija. Neke su održane, za neke se spremamo. Privreda TK je predstavljena na sajmu Grapos Expo u Gračanici, održan je i sajam List u Lukavcu. Spremamo se za avgust, septembar i oktobar kada će biti održani sajmovi u Gradačcu, Bihaću, Zenici, Zaječaru.

Stvorena je u javnosti veoma pozitivna atmosfera kada je u pitanju oživljavanje nekadašnjeg tuzlanskog privrednog giganta. Diti pomažu trgovinski lanci a uključila se i članica Komore „Omega“ Živinice sa distributivnom mrežom u cijeloj BiH.

Ujedno, kad smo kod „Omega“, ne može se a ne pomenuti da je otvoren još jedan ekskluzivni Beko Shop, ovaj put u Sarajevu te da je svečano otvorena online prodavnice - Omega web shop na adresi [www.omega.ba](http://www.omega.ba).

Održan je 5. Međunarodni sajam energetike "Energia 2015" u Tuzli, tuzlanska pivara počela izvoziti u Tursku, potpisan Memorandum o partnerstvu na razvijanju poduzetničkog učenja u Tuzlanskom kantonu, Ziraatbank bh implementira novih 50 miliona eura u bh privredu, počela izrada Plana zaštićenog područja jezera Modrac, predstavili smo firmu članicu Komore, "Ibra" doo Tuzla. Kako bi vas zainteresovali za sve, posebno ovaj tekst o "Ibri", evo samo jedne izjave direktora firme: "Radimo, proizvodimo, izvozimo, isplaćujemo redovno plaće, uplaćujemo sve doprinose na vrijeme, isplatili smo radnicima i 13. polaću, osigurani su, nemamo zaostataka niti dugova, zadovoljni smo i nemamo nikakvih problema". Priznat ćete, ne čuje i ne čita se ovakva izjava često, bar ne u Bosni i Hercegovini...

Dino Kalesić  
gl. i odg. urednik

## SADRŽAJ:

|   |  |            |
|---|--|------------|
|    | <b>"OMEGA" POMAŽE "DITI", SPREMNI INVESTIRATI U SIROVINE</b> | <b>4</b>   |
|    | <b>SASTANAK PREDSJEDNIKA OBRTNIČKE I PRIVREDNE KOMORE</b>    | <b>4</b>   |
|    | <b>IZ KOMORSKIH UDRUŽENJA</b>                                | <b>5-9</b> |
|    | <b>ZNAČAJNE SAJAMSKE MANIFESTACIJA U BIH</b>                 | <b>10</b>  |
|    | <b>IV SAJAM "ZDRAVO-DOMAĆE-PRIRODNO"</b>                     | <b>11</b>  |
|   | <b>PRIVREDA TK PREDSTAVLJENA NA SAJMU "GRAPOS" GRAČANICA</b> | <b>12</b>  |
|  | <b>NAJBOJA ONLINE PRODAVNICA "OMEGA WEB SHOP"</b>            | <b>14</b>  |
|  | <b>TUZLANSKA PIVARA POČELA IZVOZITI U TURSKU</b>             | <b>15</b>  |
|  | <b>TRGOVINSKI LANCI POMAŽU DITU</b>                          | <b>16</b>  |
|  | <b>ODRŽAN SAJAM „ENERGA 2015“</b>                            | <b>17</b>  |
|  | <b>100 DANA RADA VLADE TUZLANSKOG KANTONA</b>                | <b>18</b>  |
|  | <b>DOO "IBRA" TUZLA</b>                                      | <b>19</b>  |
|  | <b>POČELA IZRADA PLANA ZAŠTIĆENOG PODRUČJA JEZERA MODRAC</b> | <b>22</b>  |



U pomoć Diti se uključili “Omega” i Komora...

## “OMEGA” POMAŽE “DITI”, SPREMNI INVESTIRATI U SIROVINE



Na inicijativu Edima Džambića generalnog direktora “Omega” doo Živinice i Nedreta Kikanovića predsjednika Kantonalne privredne komore Tuzla, organizovan je sastanak sa predstavnicima Fabrike deterdženata “Dita” Tuzla. Sa Hajrudinom Kunalićem stečajnim upravnikom Dite i Dzevadom Mehmedovićem predsjednikom sindikata Dite, Direktor Džambić sa najbližim saradnicima, razgovarao je u Komori o saradnji “Dite” i firme “Omega”, članice Komore Tuzla. Edim Džambić direktor “Omega” je ponudio pomoć pri plasmanu proizvoda “Dite”, širom Bosne i Hercegovine a putem distributivne mreže “Omega” u BiH. Nedret Kikanović predsjednik Kantonalne privredne komore Tuzla: “Drago nam je da smo dio ove pozitivne priče oko tuzlanske Dite u koju se uključila i firma Omega koja je naša članica. I ranije smo

radili na pronalazenju strateškog partnera a dogovorili smo sa stečajnim upravnikom i predsjednikom sindikata Dite da i u narednom periodu nastavimo te aktivnosti. S tim u vezi biće i izrada jedne zajedničke aplikacije za potencijalne strateške partnere”. Edim Džambić generalni direktor “Omega” Živinice: “Jedini motiv sastanka u Komori jeste da se pomogne lokalnom partneru Diti na putu oporavka. Omega kao jedan od najvećih distributivnih lanaca u Bosni i Hercegovini će raditi bez zarade dok se Dita ne oporavi. Stojimo na raspolaganju u svakom vidu pomoći a na Diti je da istakne potrebe. Ovdje mislim i na našu spremnost da finansiramo nabavku sirovina”. Hajrudin Kunalić stečajni upravnik Dite: “Zahvaljujemo se Komori na organizaciji ovog sastanka, posebno Omega na spremnosti da pomogne Ditu. Napravljeni su ovdje preliminarni dogovori za saradnju koje u vrlo skoro vrijeme treba konkretizovati. Vrijeme je značajan faktor, nemamo obrtnih sredstava, imamo veliki interes javnosti, stvorena je pozitivna atmosfera, raduje da Dita nije ostala sama i svaka pomoć nam je dobrodošla. Veoma je značajno da pronalazimo partnere koji su spremni investirati u nabavku repromaterijala a takva je Omega članica Komore Tuzla. Važno nam je ostvariti proizvodnju koja pokriva svoje troškove i paralelno tražiti strateškog partnera”.

D.K.

Saradnja komora u Tuzli...

## SASTANAK PREDSJEDNIKA OBRRTNIČKE I PRIVREDNE KOMORE



Nedret Kikanović predsjednik Kantonalne privredne komore Tuzla, upriličio je sastanak sa Željkom Babićem predsjednikom Obrtničke komore Tuzlanskog kantona i Abdulahom Hadžiavdjećem, generalnim sekretarom u Obrtničkoj komori. Nakon što su u Obrtničkoj komori završeni izbori za predsjednika, odlučeno je da se pokušao uspostaviti kvalitetnija saradnja sa Kantonalnom privrednom komorom Tuzla, na višem nivou kao što je to bilo u vrijeme tradicionalnog organizovanja predstavljanja drvoprerađivačke industrije Bosne i Hercegovine na sajmu "Gast" u Splitu. Razgovaralo se o mogućnostima zajedničkih aktivnosti po nekoliko pitanja. Prije svih, želja i jedne i druge strane je da se za obrtnike i privrednike na području kantona, pokušati obezbijediti što povoljniji poslovni ambijent. Obje komore će putem svojih tijela i udruženja, i u narednom periodu davati maksimum na-

pora u ostvarivanju kontakta sa svim institucijama koje mogu doprinjeti stvaranju boljeg poslovnog okruženja. S tim u vezi, razgovarano je o problemima koji su već dugo prisutni i koji već duži period opterećavaju rad obrtnika i privrednika. Zaključeno je da je neophodno približiti članice ove komore kako bi se zajednički pokušalo rješavati nagomilane probleme vezane za poresku politiku, doprinoste, uvoz-izvoz, selektivne kontrole privrednika od strane nadležnih inspekcijских organa, rad na crno. Važnim se nameće zajednički nastup prema Vladi Tuzlanskog kantona i resornim ministarstvima, temeljem čega bi se zajedno sa kantonalnim vlastima pokrenula inicijativa za promjene određenih zakona za čije donošenje je nadležna Federacija BiH. Značajan aspekt zajedničkog djelovanja jeste organizovanje zajedničkog predstavljanja obrtnika i privrednika na značajnim sajamskim manifestacijama u Tuzlanskom kantonu, Bosni i Hercegovini i zemljama regiona. Prema dosadašnjim iskustvima, postignutim rezultatima, kvalitetu organizacije, tradiciji, posjetama, broju izlagača i opredjeljenjima članica ove dvije komore, izdvajaju se sajmovi u "Grapos expo" u Gračanici, sajam u Gradačcu, "ZEPS" u Zenici, "Ekobis" u Bihaću, sajmovi u susjednoj Hrvatskoj u Splitu, Virovitici, Osijeku, Varaždinu, te sajam "Zdravo-domaće-prirodno" u Zaječaru, Republika Srbija a otvorena je i mogućnost zajedničke organizacije posjete sajmovima u Celju i Minhenu. Dogovorena je i saradnja na polju razmjene informacija koje se objavljuju u "Komorskom informatoru" i nedavno pokrenutom listu Obrtničke komore TK "Obrtnik".

D.K.

Iz Udruženja za hemiju i nemetale...

## “MOGUĆNOST ODLAGANJA OTPADNOG TALOGA BIJELOG MORA SSL U EKSPLOATACIONE BUŠOTINE KAMENE SOLI TETIMA”

- *Velike proizvodnje stvaraju i velike količine otpadnih taloga – Puno je ideja za rješenje problema - Postoje realne osnove u tehničkom smislu - Mogućnosti korištenja prostora Tetime ne samo za otadno "bijelo more", nego i za skladištenje drugih materijala, kakve imamo u praksi širom svijeta -*



U Udruženju za hemiju i nemetale Kantonalne privredne komore Tuzla, održana je redovna sjednica Odbora Udruženja. Domaćin izuzetno dobro posjećenog sastanka bio je Rudnika soli Tušanj Tuzla. Amir Sušić direktor Rudnika i Nihad Akeljić iz Sisecam soda Lukavac, prezentirali su temu "Mogućnost odlaganja otpadnog taloga bijelog mora SSL u eksploatacione bušotine kamene soli Tetima". Kako je istakao Esad Arnautović sekretar ovog komorskog Udruženja, tema za koju su se u Odboru odlučili vezana je za Strategiju razvoja upravljanja otpadom na području Tuzlanskog kantona. "Industrije koje se trenutno razvijaju, posebno industrije

koje pored velike proizvodnje stvaraju i velike količine otpadnih taloga, moraju na adekvatan način i brinuti o otpadu. Jedan od problema firme Sisecam soda Lukavac je "bijelo more". To je ogroman problem koji ljudski faktor u dogledno vrijeme mora riješiti", rekao je sekretar Arnautović. Dodao je kako postoji puno ideja za rješavanje ovakvih problema. Otpad ima korisnu funkciju, kao što je posipanje kiselih zemljišta, za puteve, ali se postavlja pitanje da li može imati i ekonomsku opravdanost. Kada su u pitanju mogućnosti odlaganja otpadnog taloga bijelog mora SSL u eksploatacione bušotine kamene soli Tetima, za takav projekat po riječima direktora Sušića postoje realne osnove u tehničkom smislu. Potrebno je uraditi i tehničku dokumentaciju i sve što je potrebno iz pratećih aktivnosti. Eksploatacija na ležištu kamene soli Tetima je metodom kontrolisanog izluživanja pojedinačnim bušotinama sa površine terena a buši se na 24 od 11 projektovane bušotine.



"Nakon eksploatacionog vijeka pojedinih bušotina, ostaje prostor površine između 200 i 300 hiljada kubnih metara, koji je beskoristan. Već sada raspolažemo sa oko milion kubnih metara praznih prostora u ležištu. Nadam se da će nakon ovog veoma uspješnog sastanka kojem smo domaćini, biti pobuđena svijest o mogućnostima korištenja ovih prostora ne samo za otadno "bijelo more", nego i za skladištenje drugih materijala, kakve imamo u praksi širom svijeta", rekao je direktor Sušić. Kako je istakao, velike su, i iz godine u godinu ih je sve više, površine koje bi u narednom periodu mogle biti iskorištene u skladišne

svrhe. Navedeni su primjeri rudnika soli iz Austrije, primjeri skladištenja plina i nafte kakvi nisu rijetkost u svijetu. Mogućnosti postoje, treba ih još i dokazati, ne razmišljati isključivo o "bijelom moru" ukoliko se ne pokaže ekonomska opravdanost imajući u vidu udaljenost Tetime i Sisecam soda Lukavac.

D.K.



Iz Udruženja za promet i komunikacije...

## AKTUELNA PROBLEMATIKA U PRIJEVOZU PUTNIKA I STANICAMA ZA TEHNIČKI PREGLED VOZILA



Članovi Odbora Sekcije za unutrašnji promet putnika koja djeluje pri Udruženju za promet i komunikacije u Kantonalnoj privrednoj komori Tuzla, imali su nekoliko aktivnosti. Raspravljali su o načinu usklađivanja međunarodnih i međuentitetskih redova vožnje, a već dugo je aktuelna problematika nenaplaćenih računa od Ministarstva finansija TK. Tema sjednica bila je i mogućnost naplate potraživanja za prijevoz putnika od privrednih i javnih preduzeća.

### Usklađivanje međunarodnih i međuentitetskih redova vožnje

Kako je istaknuto u raspravi o ovoj temi, nakon nikad provedenog javnog usklađivanja međuentitetskih autobusnih linija i propalog pokušaja usklađivanja 2011. godine, Ministarstvo komunikacija i prometa BiH je u „Sl.Glasniku“ broj 77/14 objavilo „Pravilnik o usklađivanju i registraciji međunarodnih i međuentitetskih autobusnih linija“, na koji je VTK BIH dala saglasnost bez pristanka Odbora udruženja za prijevoz putnika u međuentitetskom i međunarodnom prometu. Članovi Odbora su istakli da trenutni način usklađivanja međuentitetskih autobusnih linija ( u skladu sa navedenim Pravilnikom), omogućava registriranje novih autobusnih linija, bez mogućnosti prigovaranja već registriranim entitetskim i kantonalnim linijama, te da usklađivanje svakog mjeseca, bez postojanja javno objavljenog registra prethodno usklađenih linija, nema nikakvog smisla iz razloga što prethodni postupci usklađivanja nisu završeni, a započinje novi postupak usklađivanja, te traži dodatno svakodnevno praćenje postupka usklađivanja i prigovaranja. Stava su da se postupak usklađivanja provodi bez ikakvih provjera ispravnosti predlagača reda vožnje kao prijevoznika u smislu posjedovanja potrebnih voznih kapaciteta, urednosti plaćanja poreza i doprinosa. Poručuju da sve prethodne neregularnosti mogu imati za posljedicu uništenje dugogodišnjih federalnih i kantonalnih autobusnih linija. Odlučni su članovi Odbora ove komorske Sekcije da se zahtijeva od Ministarstva komunikacija i prometa BiH da važeći Pravilnik za usklađivanje i registraciju međunarodnih i međuentitetskih autobusnih linija, zbog njegove štetnosti stave van snage i u suradnji sa Odborom udruženja prijevoznika za međunarodni i međuentitetski prijevoz putnika donesu novi pravilnik kojim bi se usklađivanje održavalo jednom godišnje, po uzoru na postupke usklađivanja u zemljama u okruženju. Zahtijeva se, također, od Federalnog ministarstva prometa i komunikacija da zbog ne definisanih kriterija za usklađivanje međuentitetskih autobusnih linija sa entitetskim linijama, za zahtjeve za usklađivanje međuentitetskih linija ne daje saglasnost. Od Odbora udruženja prijevoznika za međunarodni međuentitetski prijevoz putnika se zahtijeva da pred nadležnim sudom pokrene postupak utvrđivanja krivične odgovornosti za službenike VTK BIH koji su bez odobrenja tog Odbora dali saglasnost na „Pravilnik o usklađivanju i registraciji međunarodnih i međuentitetskih autobusnih linija“ objavljen u „Sl.Glasniku“ broj 77/14. Sve navedene zaključke, stavove i zahtjeve, dostaviti će Ministarstvu komunikacija i prometa Bosne i Hercegovine, Ministarstvu prometa i komunikacija Federacije Bosne i Hercegovine, Udruženju prijevoznika za međunarodni i međuentitetski prijevoz putnika Vanjskotrgovinske komore BiH.

### Problematika nenaplaćenih računa od Ministarstva finansija TK

Očekivano je bilo da će se u diskusiju oko problematike nenaplaćenih računa od Ministarstva finansija TK uključiti svi akteri sntka. Predstavnik DD "GIPS TK" Fuad Đulović je istakao da su nadređeni u njegovoj firmi donijeli odluku da će se obratiti nadležnim institucijama i tražiti pojašnjenje o tome kako je moguće da tako velika dugovanja, po osnovu prijevoza učenika i subvencioniranja tog prijevoza, niko ne kontroliše i zašto se gore navedenom ministarstvu toleriše takvo postupanje već duži vremenski period. Predstavnik DOO "INTEGRAL" Hasan je predložio da se zajednički ispred Sekcije obratimo nadležnim institucijama vezano za ovu problematiku. Nakon duge diskusije i iznesenih različitih prijedloga, svi prisutni su se složili i donijeli zajednički zaključak da angažuju advokata koji će pripremiti opomenu pred tužbu Ministarstvu finansija TK zbog nenaplaćenih računa po osnovu prijevoza učenika osnovnih škola – subvencioniranje prijevoza za učenike koji putuju do škole na relaciji dužoj od 4 km, sa istaknutim dugovanjima prema prijevoznicima, sa zateznim kamatama i drugim indirektnim štetama koje su trpili

prijevoznici zbog velikih potraživanja po ovom osnovu. Vežano za ovu problematiku, svi prijevoznici koji su prisustvovali ovoj sjednici će dostaviti advokatu saglasnost da ih isti može zastupati i potvrdu sa iznosom potraživanja od Ministarstvu finansija TK.

### **Naplata potraživanja za prijevoz putnika od privrednih i javnih preduzeća**

Predsjednik Sekcije Bajro Halilčević je otvarajući diskusiju na ovu temu, naveo da većina prijevoznika, članova Sekcije, ima problem velikih potraživanja od javnih preduzeća, Elektroprivrede BiH ZD Rudnici "KREKA" DOO Tuzla. Prijevoznici koji se bore sa ovim problemom javno su naveli iznose svojih potraživanja po osnovu prijevoza zaposlenika Rudnika "KREKA" i Rudnika "ĐURĐEVİK" i istakli da problem njihovog neplaćanja dovodi u pitanje egzistenciju i nesmetan rad prijevoznika. Problem velikih potraživanja od Elektroprivrede BiH ZD Rudnici "KREKA" DOO Tuzla imaju sljedeće članice Sekcije: DD "GIPS TK" Tuzla, DOO "ROAD" Lukavac, DOO "BJELJEVAC" Kalesija i DD "LITVATRANS" Banovići. Pojedini prijevoznici suočeni s ovim problemom već su podnijeli tužbu protiv Elektroprivrede BiH ZD Rudnici "KREKA" DOO Tuzla za navedena dugovanja a i ostali su istakli da će učiniti isto, kako bi pokušali bar dio duga što prije naplatiti. Prijevoznici su donijeli jednoglasnu odluku da upute pismo upozorenja Nadzornom odboru Elektroprivrede BiH, da iznesu svoj problem vezan za naplatu potraživanja, da traže da se isti problem riješi u što kraćem roku te da im se objasni ko je odgovoran i ko dozvoljava da dođe do pokretanja sudskih postupaka zbog velikih kašnjenja prilikom izmirenja obaveza prema prijevoznicima za uredno izvršene usluge prijevoza njihovih zaposlenika, jer se zna da naplata potraživanja na takav način podrazumijeva i obračun zateznih kamata, što znatno povećava troškove Elektroprivrede BiH. I rasprava



pod tačkom "razno", skoro redovno donese zanimljive teme, probleme iz svakodnevnice predstavnika firme koje čini Odbor Sekcije. Članovi sekcije su ovaj put raspravljali o problemu s kojim su suočeni prilikom javljanja na Konkurentski zahtjev školama za obavljanje jednodnevnih i višednevnih ekskurzija, jer je jedan od uslova, koji prijevoznici moraju ispuniti, licenca za obavljanje turističke djelatnosti a većina prijevoznika nemaju tu licencu. Predstavnik DD "GIPS TK" Tuzla je pokrenuo problem Autobuske stanice "Zapad" Bukinje o kojem su svi prisutni i na ranijim sastancima raspravljali. Predsjednik Sekcije je upoznao prisutne da je upućen Dopis Federalnom ministarstvu prometa i komunikacija o prijedlogu za privremeno ukidanje te stanice do postupka usaglašanja redova voznje, kada će prijevoznici zahtijevati brisanje iste, jer nemaju potrebu ulaziti u tu stanicu. Predstavnik DD "GIPS TK" Tuzla je istakao da će oni, kao vlasnici ove stanice, postupiti po trenutnim zakonskim propisima te da će prijevoznici morati odgovarati zbog kršenja tih propisa.

### **Rad stanica tehničkog pregleda vozila na području TK**

Odbor Sekcije stanica za tehnički pregled vozila koja također djeluje pri Udruženju za promet i komunikacije Kantonalne privredne komore Tuzla, održao je redovnu sjednicu na kojoj se raspravljalo o radu stanica tehničkog pregleda vozila na području Tuzlanskog kantona. Ramiz Begović, predsjednik Sekcije istakao je da je Sekcija putem Udruženja stanica tehničkog pregleda vozila u FBiH, radila na tome da se registracije motornih vozila obavljaju u stanicama tehničkog pregleda vozila, a ne u osiguravajućim kućama. Članovi sekcije bili su tokom rasprave stava da ovakvo stanje ruši bezbjednost saobraćaja, ugrožava stanovništvo i imovinu, ruši tržište, smanjuju se prihodi stanicama tehničkog pregleda vozila, smanjuje se dobit društava – dioničara, kao i porez na dobit prema državi. Kako je istaknuto u raspravi, na području Tuzlanskog kantona prednjači osiguravajuća kuća „Triglav-osiguranje“ koja daje bon od 40,00 KM po 1 tehničkom pregledu društvu, „Autocentar BiH“ doo Sarajevo, kao i „Zovko“ koji daje bon od 100,00 KM po 1 tehničkom pregledu. Smatraju da se neprimjenom BONUSA-MALUSA društva smanjuju prihodi od premije od 20-50%, što u mnogome smanjuje dobit društva, a time i porez državi koji se može mjeriti desetinama miliona, pa bi se ovo pod hitno trebalo provjeriti. Zaključeno je da se uputi dopis nadležnim organima u kojem se traži pod hitno rješavanje problema stanica tehničkog pregleda vozila i osiguravajućih kuća, odnosno, od nadležnih organa se traži izmjena i dopuna zakona da se registracija vozila vrši na stanicama za tehnički pregled vozila, kako bi se ukinuli nelojalne konkurencija i rad na crno. Dopis sa navedenim zahtjevima se upućuje Agenciji za osiguranje BiH, FBiH, Ministarstvu unutrašnjih poslova Tuzlanskog kantona, Ministarstvu finansija, predsjedniku Kantonalne privredne komore Tuzla, premijeru Tuzlanskog kantona, Upravi za indirektno oporezivanje Tuzlanskog kantona i Federacije BiH, Udruženju stanica tehničkog pregleda vozila u FBiH, Udruženju stanica tehničkog pregleda vozila u Republici Srpskoj.

D.K.



Iz Udruženja za trgovinu, ugostiteljstvo i turizam...

## PODRŠKA LICENCIRANJU TURISTIČKIH AGENCIJA

- *Licenciranjem spriječiti malverzacije i nelegalan rad – Nastaviti sa sajamskim aktivnostima koje organizuje Komora -*



Članovi Odbora Udruženja za trgovinu, ugostiteljstvo i turizam Kantonalne privredne komore Tuzla održali su sjednicu u proširenom sastavu, održane. Uz prisustvo predstavnika Ministarstva trgovine, turizam i saobraćaj Tuzlanskog kantona te Kantonalne uprave za inspeksijske poslove, razgovaralo se o aktivnostima vezanim za licenciranje turističkih agencija na području Tuzlanskog kantona. Kako je u uvodu u temu istakao Asim Bečić član Odbora Udruženja, resorno Ministarstvo je uspješno poduzelo niz aktivnosti na dodjeli licenci putničkim agencija na Tuzlanskom kantonu. Ova kategorija licenci je novina na prostoru Federacije, ali je poznato da ovakvo licenciranje postoji u Republici Srpskoj i zemljama regije. Ovom vrstom licenciranja, putnici bi trebali biti zaštićeni od mnogih malverzacija. „Mnoge prevoznike firme imaju u svom opisu i obavljanje turističke djelatnosti, što nije problem, ali su problem firme koje su samo prevoznike a bave se organizovanjem raznih aranžmana. Pozivam sve firme koje

imaju uslove za dobijanje licence, da to što prije urade, jer samo na takav način se mogu izbjeći malverzacije i nelegalan rad“, istakao je Bečić. Inače, temeljem Člana 8. Zakona o turizmu u kojem je decidno istaknuto ko se može baviti organizovanjem turističkih destinacija, predloženo je da se pokuša iznaći mogućnost, da se odvoje novčani iznosi kako bi se izradio jedan katalog svih turističkih agencija, ugostiteljskih objekata i turističkih destinacija. „Moramo naći način da na adekvatan način prikazemo turistički potencijal Tuzlanskog kantona. Tome u prilog idu i aktivnosti na organizaciji sajamskih nastupa u okviru zajedničke postavke koju već godinama za nas članice Komore, organizuje Kantonalna privredna komora Tuzla“, rekao je Asim Bečić.

Zoran Duljeski, predstavnik Kantonalne uprave za inspekcije poslove Tuzlanskog kantona je informisao članove Odbora udruženja da je inspekcija krenula u obilazak turističkih agencija i tamo gdje ima nedostataka djeluje na način da daje rok za ispravljanje nedostataka i podnošenje zahtjeva za dobijanje licence. „Svim školama je upućena preporuka da ubuduće prilikom organizovanja izleta i ekskurzija angažuju turističke agencije koje posjeduju licencu“ informisao je inspektor Duljeski. Do skora je, istaknuto je na sastanku, bilo problema i sa Komisijom za polaganje stručnog ispita za voditelja poslovnice, tako da se jedno vrijeme nije moglo vršiti polaganje, ali sada je ponovo Komisija krenula sa radom. Hasan Sejdinović, stručni saradnik za turizam u Ministarstvu za trgovinu, turizam i saobraćaj TK je istakao da je ovo Ministarstvo pokrenulo uspostavu registra i izdavanje licenci za putničke agencije kako bi na takav način došli do tačnih podataka ko



se bavi ovim uslugama, kakve su to agencije i da li rade po propisima. „Licenca je potvrda da su turističke agencije osposobljene da pruže uslugu kojom se bave. Nakon što preda zahtjev, agencija u roku od pet dana dobija licencu koja važi tri godine. Licenca se obnavlja svake tri godine, a može biti oduzeta ukoliko agencija dobije tri prekršaja. Trenutno ima 13 turističkih agencija koje posjeduju licencu, a 14 ih je u procesu. One agencije koje ne budu poštovale uslove putovanja oduzet će se licenca“, rekao je Sejdinović. Kako je istaknuto u nastavku sastanka, ovakvim načinom će se suzbiti rad na crno pojedincima koji su organizovali putovanja, a bilo je evidentirano nekoliko kršenja propisa i zakona, kolektivna putovanja su organizovali subjekti koji nisu registrovani za takvu djelatnost. Upućen je s tim u vezi i zahtjev inspeksijskim organima da kontrolišu one koji organizuju putovanja, šoping ture, a nisu za to registrovani, kao što je slučaj sa nekoliko web portala na području Tuzlanskog kantona. Tome će u kraj stati sistem koji podrazumijeva registar i licence a od velikog značaja za uređenje turističke djelatnosti u cjelini, biće i Zakon o turističkim zajednicama koji je u proceduri. Podržana je ideja i dugogodišnji prijedlog iz Odbora ovog komorskog Udruženja, da će treba pristupiti izradi kataloga sa turističkom ponudom Tuzlanskog kantona. Brojni su primjeri i zahtjevi iz firmi sa područja Tuzlanskog kantona, među njima i brojnih članica Komore, da se konačno uvede red i u obaveze koje subjekti imaju prema Vanjskotrgovinskoj komori a ne obavljaju djelatnost uvoza i izvoza. Pravna lica sa Tuzlanskog kantona žele da znaju šta ovom članarinom finansiraju i šta mogu dobiti od Vanjskotrgovinske komore kao njihove članice, jer do sada pravna lica sa Tuzlanskog kantona su uskraćena za mnogo toga od strane ove Komore, zaključeno je na sastanku.

D.K.





Iz Udruženja za poljoprivredu i prehrambenu industriju...

## NEZADOVOLJSTVO PROGRAMOM NOVČANIH PODRŠKI POLJOPRIVREDI

- *Poljoprivrednici iz Tuzlanskog kantona nezadovoljni Programom – Očekivali smjernice razvoja i podrške – Predstavnici Udruženja poljoprivrednika BiH prije za optuženičke klupe nego za istupe u medijima – Ponuđeni Program nije razvojni Program -*

U Udruženju za poljoprivredu i prehrambenu industriju Kantonalne privredne komore Tuzla upriličena je redovna sjednica Odbora Udruženja. Raspravljalo se o predloženom Federalnom Programu novčanih podrški u poljoprivredi i ruralnom razvoju za 2015.godinu. Kako je istakao Suad Selimović sekretar ovog komorskog Udruženja, poljoprivrednici koji su u članovi Odbora, predsjednici grupacija i članice Udruženja, izražavaju nezadovoljstvo ponuđenim Programom. Razloga je mnogo, između ostalog, uvođenje ograničenja na proizvodnju određenih poljoprivrednih proizvoda a što je ocijenjeno negativno i temeljem činjenice da je Tuzlanski kanton sa najvećim obimom primarne poljoprivredne proizvodnje. "Očekivali smo da ćemo u ovom Programu dobiti jasne smjernice razvoja i podrške određenim proizvodnjama, ali se iznosi za podsticanje proizvodnji čuvaju u tajnosti. Nisu izložene jer neko najvjerojatnije želi da vidi i čuje želje određenih poljoprivrednih proizvođača", istakao je Selimović.



Ono što poljoprivrednike okupljene u ovo komorsko Udruženje dodatno smeta jeste činjenica da u medijima vrlo često poljoprivrednike predstavljaju oni koji nisu poljoprivrednici. "To su uglavnom oni koji se nazivaju Udruženje poljoprivrednika BiH i koji su prije za optuženičke klupe nego za nastup u medijima", ocjena je Selimovića. Sead Huskić predsjednik Grupacije za mlijeko pri Udruženju za poljoprivredu i prehrambenu industriju Kantonalne privredne komore Tuzla, istakao je i nezadovoljstvo mljekara ponuđenim Programom. "Žaloso je što ovo nije raz-

vojni program nego program koji sputava i anulira i ono što do sada razvijeno. Nadležni moraju u poljoprivredi vidjeti razvoj ekonomije BiH a ponude nam Program koji nas vraća bar deset godina unazad", rekao je Huskić.

Na sastanku u Komori se vodila energična rasprava o ponuđenom Programu, iznošene su brojne nepravilnosti i stavke koje ne podstiču poljoprivrednu proizvodnju na najbolji način. Zaključeno je da se traži hitan sastanak sa predsjednikom Skupštine Tuzlanskog kantona, da se hitno organizuje posjeta Federalnom ministru za poljoprivredu i da mu se iznesu stavovi poljoprivrednih proizvođača Tuzlanskog kantona kada su u pitanju podsticaji sa Federalnog nivoa. Sa sastanka u Komori upućen je zaključak Ministarstvu civilnih poslova BiH, da se



aktuelnom Udruženju poljoprivrednika Bosne i Hercegovine, oduzme pravo korištenja "BiH" u nazivu.

D.K.



Značajne sajamske manifestacija u BiH...

## GRADAČAC: 42. SAJAM ŠLJIVE OD 26. DO 29. AVGUSTA



42. Međunarodni sajam poljoprivrede i prehrambene industrije – Sajam šljive u Gradačcu će biti održan od 26. do 29. avgusta se očekuje veći broj izlagača iz više zemalja, nego prošle godine. Podsjetimo, na 41. manifestaciji se predstaviti oko 230 proizvođača i prerađivača hrane, zaštitnih sredstava, mineralnih gnojiva i poljoprivrednih strojeva iz BiH, Hrvatske, Srbije, Turske i Jordana. Kao i na prethodnim, i na ovogodišnjem Sajmu šljive se planira održavanje tradicionalno stručno-naučno savjetovanje „AgroTech“ i dodjela medalja za kvalitetu proizvoda, kolektivne prezentacije privrednih potencijala općina, kantonalnih privrednih komora i grupacija poljoprivrednih proizvođača i prerađivača te turističkih potencijala. Gradačaćki sajam je uvijek prilika da se posjetiocima predstave proizvođači hrane i pića, poljoprivredne mehanizacije, ambalaže i zaštitnih sredstava, da se posredno, preko svojih predstavništava i distributera, predstave renomirane firme, lideri u oblasti zaštite bilja i proizvodnje mineralnih đubriva, kao i proizvođača i prerađivača stočne hrane.

## BIHAĆ: 13. SAJAM “EKOBIS 2015” 10. SEPTEMBRA



13. međunarodni ekološki sajam “EKOBIS 2015” sa temom održivi razvoj u ruralnim područjima. U skladu sa temom sajma planirana je i Međunarodna konferencija na istu temu: „Održivi razvoj u ruralnim područjima“ koja će se održati na dan otvaranja sajma 10.9.2015. godine. EKOBIS je sajam izložbeno-prodajnog karaktera. Na sajmu su do sada promovirani izlagači iz BiH, Hrvatske, Srbije, Crne Gore, Slovenije, Austrije, Njemačke, Češke, Slovačke, Italije, Francuske, Turske, Finske i Izraela. Sajam “EKOBIS” je manifestacija ekologije, ekoturizma i ekološke industrije koju organizuje Privredna komora Unsko-sanskog kantona već 12 godina. Sajam EKOBIS pokrenut je 2003. godine, nalazeći uporište u postojećim resursima ovog područja i viziji budućeg

razvoja. On predstavlja unikatnu, međunarodnu, poslovnu manifestaciju sajamskog, selektivnog karaktera, vezanu za ekološke tehnologije uopće. Pored klasičnog, sajamskog dijela, koji ima izložbeno – prodajni karakter, u kojem se u proteklih 10 godina predstavilo preko 1500 izlagača iz 15 zemalja, EKOBIS je prepoznatljiv po tome što se uz svaku priredbu organiziraju i bogati edukacijski programi – okrugli stolovi, stručni skupovi, prezentacije i promocije firmi, proizvoda i projekata, poslovni susreti privrednika, ekološke akcije, dječje ekološke radionice, gastro-festival, kulturno-umjetnički i sportsko-rekreacijski sadržaji i dr. Do sada je realizirano preko 260 ovakvih sadržaja, a sajam je posjetilo preko 100 000 posjetioca. Zbog ovakvog načina koncepcije EKOBIS je postao novi poslovni proizvod Unsko-sanskog kantona, moderna poslovna manifestacija za koju iz godine u godinu pokazuju sve veći interes, kako domaći tako i strani izlagači i poslovnih ljudi, a ovo potvrđuje i činjenica da smo za njega dobili priznanje za najbolji regionalni projekt na principima održivog razvoja u jugoistočnoj Evropi. Sajam EKOBIS je mjesto za brojne i sadržajne poslovne kontakte, prilika da se na jednom mjestu upoznaju istomišljenici, izmjene iskustva, razgledaju najnovija dostignuća u proizvodnji i tehnologijama, spoznaju naučni trendovi te da se susretu proizvođači i prerađivači sa trgovcima i potrošačima. Organizator sajma “EKOBIS” je Privredna komora Unsko-sanskog kantona. Privredna komora Unsko-sanskog kantona (PK USK) je nevladina, neprofitna asocijacija privrede Unsko-sanskog kantona, čiji korijeni se vežu za početak druge polovine dvadesetog stoljeća. Misija Privredne komore USK je promocija i zastupanje interesa svojih članica kod organa vlasti i u procesu približavanja Evropskoj Uniji, te povećanje konkurentne sposobnosti privrede USK u zemlji i inozemstvu. Kao vodeće privredna asocijacija na Unsko-sanskom kantonu, PK USK zastupa interese poslovne zajednice u odnosima sa zakonodavnom i izvršnom vlasti; promovira i povezuje privredu Unsko-sanskog kantona s domaćim i međunarodnim poslovnim okruženjem; potiče poduzetništvo, strana ulaganja, uvođenje standarda kvaliteta i zaštite okoliša; educira i informira članstvo o aktuelnim privrednim kretanjima; te podiže sveukupni nivo spremnosti privrede USK za pristup Evropskoj Uniji. Način i principi rada u PK USK u potpunosti odgovaraju principima koje se provode od strane privrednih komora u drugim državama regiona i Evropske Unije. Privredna komora USK razvila je suradnju s mnogim komorama i drugim poslovnim institucijama u širem okruženju. Do danas je PK USK potpisala preko 30 ugovora o suradnji s BiH i Evropskim privrednim komorama.

D.K.



Privreda TK i ove godine na sajmu u Zaječaru...

#### IV SAJAM "ZDRAVO-DOMAĆE-PRIRODNO"

- Poziv na jačanje međukomorske saradnje - Sastanak predsjednika regionalnih privrednih komora 2.10. -



Dejan Tošić predsjednik Regionalne privredne komore Zaječar, uputio je poziv za susret regionalnih privrednih/gospodarskih komora zemalja Regiona, ujedno i na Sajam "ZDRAVO-DOMAĆE-PRIRODNO": "Zadovoljstvo nam je da Vas pozovemo na susret regionalnih privrednih/gospodarskih komora zemalja Regiona u organizaciji Regionalne privredne komore Zaječar. Sastanak će biti održan od 02-03. oktobra 2015. godine, u vreme održavanja IV Međunarodnog

sajma "ZDRAVO-DOMAĆE-PRIRODNO" u Zaječaru. Link na kome se može videti Sajam "ZDRAVO-DOMAĆE-PRIRODNO" 2014. godine je:

<https://www.facebook.com/media/set/?set=a.766690226701855.1073741969.460528873984660&type=1>

Organizovanje ovih susreta je u skladu sa zaključcima skupa privrednih komora u Celju, septembra 2014. godine. Tom prilikom je dogovoreno redovno održavanje sastanaka na regionalnom nivou, a u cilju jačanja komorske saradnje, zajedničkih nastupa na trećim tržištima, učestvovanje u EU projektima/razmena iskustava u korišćenju EU fondova. Sastanak je održan u sklopu Međunarodnog obrtničkog sajma u Celju. Skup predstavnika privrednih/gospodarskih komora Regiona organizovan je i u Županijskoj komori Split 06. marta 2015. godine. Molimo Vas da potvrdite Vaše učešće, najkasnije do 1. avgusta 2015. godine. Detaljna Agenda će biti blagovremeno poslata. Kontakt osobe u RPK Zaječar su:

- Dejan Tošić, predsjednik, tel. +381 64 8 157 357, e-mail [dejan.tosic@rpkza.rs](mailto:dejan.tosic@rpkza.rs) i

- Maja Milutinović, sekretar Centra za EOI, tel. +381 64 8 157 307. Želimo Vam dobrodošlicu u RPK Zaječar".

#### ZENICA: 22. SAJAM ZEPS OD 6. DO 10. OKTOBRA



ZEPS je najveći sajam u Bosni i Hercegovini, a njegovi učesnici vrlo su zadovoljni rezultatima koje ovdje ostvaruju. Dobra poslovna posjeta sajmu omogućava izlagačima brojne neposredne kontakte, koji su rezultirali

velikim brojem zaključenih i realizovanih uspješnih projekata i poslova. Karakteristika sajma su, takođe, kolektivne izložbe: zemalja, regija, općina, udruženja... Poslovnoj, ali i široj javnosti svakako je posebno interesantna izložba ZEMLJA-PARTNER. Dosad su taj sajamski status ovdje imale Slovenija, Hrvatska, Mađarska, Srbija i Crna Gora, Češka i Crna Gora. Na dosadašnjih 21 generalnih bh. sajmovu ZEPS učestvovalo je 10.150 izlagača, a obišlo ih je 1,341.457 posjetilaca. Ovogodišnji, 22. po redu sajam Zeps biće održan od 6. do 10. oktobra. Sve potrebne informacije moguće dobiti na: Bulevar kralja Tvrtka I br. 17 / 72000 Zenica / Bosna i Hercegovina, Centrala +387 32 247 774, Direktor +387 32 245 180, Marketing +387 32 440 250 +387 32 247 771, [info@zeps.com](mailto:info@zeps.com) [marketing@zeps.com](mailto:marketing@zeps.com), [kvalitet@zeps.com](mailto:kvalitet@zeps.com), Finansije +387 32 244 884, [bankarstvo@zeps.com](mailto:bankarstvo@zeps.com), Projektni biro +387 32 440 251, [project@zeps.com](mailto:project@zeps.com).

D.K.



## Sajamske aktivnosti...

### PRIVREDA TK PREDSTAVLJENA NA SAJMU "GRAPOS" GRAČANICA



U Gračanici je održan 6. po redu Međunarodni sajam poduzetništva i obrta GRAPOS EXPO 2015. godine. Sajam su na istoj lokaciji kao i ranijih godina, na 5.200 m<sup>2</sup> zatvorenog i 15.000 m<sup>2</sup> otvorenog prostora, organizovali BOMS-expo i Općina Gračanica, uz sponzorstvo BH Telecoma, Kovan - Eko line i HST CNC technik, te uz pokroviteljstvo Vijeća ministara BiH, Vlade FBiH i Vlade TK. Cilj ovakve sajamske manifestacije je prvenstveno promocija i afirmacija domaće i privrede iz okruženja. Od 2010. godine kada je organizovan prvi sajam pa do danas, zahvaljujući visokim nivou organizacije i visokim standardima kvaliteta, sajam je izrastao u respektabilnu tradicionalnu manifestaciju interesantnu ne samo

domaćim, nego i mnogobrojnim stranim izlagačima. O tome najbolje govori podatak da je ove godine na sajmu izlagalo 292 učesnika iz 6 zemalja. I ove organizator se može pohvaliti vrhunskom organizacijom i ponudom. Prema riječima direktora Sajma Nedžada Nuhanovića, pripreme teku bez problema, a u ponudi je bilo niz zanimljivih sajamskih i vansajamskih sadržaja. U konferencijskom dijelu sajma govorilo se o aktuelnim i zanimljivim temama iz oblasti privrede, poslovanja i stranih investicija. Posebna pažnja bila je posvećena energetskej efikasnosti i Akcionom planu energetski održivog razvoja općine Gračanica koji je nedavno usvojen od strane Općinskog vijeća u okviru projekta Remida. Govoreći o značaju sajma, Bego Gutić premijer Tuzlanskog kantona je prilikom svečanog otvaranja sajma kazao da je to prilika da se pokaže dobra volja za oblikovanje pozitivne poduzetničke klime te stvaranje novih firmi. „Cilj sajma GRAPOS EKSPLO je ostvarivanje pozitivnog uticaja na privredni razvoj i stvaranje pozitivne poduzetničke klime, te povećanje konkurentnosti privrednog sektora, kao i bolje međusobno povezivanje privrednih subjekata i poduzetničkih regija. Ovaj cilj se u potpunosti poklapa sa strateškim opredjeljenjem Vlade Tuzlanskog kantona“, istakao je Premijer i dodao da Vlada Tuzlanskog kantona svakako pruža podršku održavanju jednog ovakvog društveno – poslovnog događaja. „Stvaranje novih i jačanje postojećih poslovnih veza, te razvoj privrednog sektora uopšte, jedan je od glavnih preduslova za razvoj europske Bosne i Hercegovine“, rekao je premijer Gutić. Na ovogodišnjem "Grapos Expo" predstavile su se i firme članice Kantonalne privredne komore Tuzla. Sada već tradicionalno Komora realizuje zajednički nastup za svoje članice pod nazivom "Privreda TK". Na zajedničkom izložbenom prostoru, posjetiocima sajma u Gračanici predstavili su se: "Borplastika Eko" doo Tuzla, "Corn Flips" Srebrenik, "Fana" doo Srebrenik, "Golden tours" Tuzla, "Helios" dd Banovići - Industrija domoopreme", "Imel" doo Lukavac, "Menprom" doo Gornja Tuzla, "Naturprodukt" doo Gradačac, "Omega" dd Živinice, "Piemonte" doo Tuzla, "Pivara" dd Tuzla, "PRO PAK" doo Tuzla, "Seif" doo Kalesija, "Solana" dd Tuzla, OPG "Veselčić" Špionica, Dom penzionera Tuzla, "Pannonica" doo Tuzla, Turistička zajednica Tuzlanskog kantona, "Tehnopak" Tuzla, "PortaNaturae" doo Srebrenik, "Voćni rasadnik" doo Srebrenik, "Xella BH" Tuzla.

### JOŠ JEDAN USPJEŠAN SAJAM "LIST" U LUKAVCU



Sajam turizma List u Lukavcu je okupio turističke djelatnike iz BiH, regije i šire. U periodu od 7.do 9.maja, svoje proizvode, usluge i kapacitete predstavilo je 130 izlagača iz: Njemačke, Turske, Mađarske, Slovenije, Hrvatske, Srbije, Makedonije, Crne Gore, Albanije i Bosne i Hercegovine. Na otvaranju sajma prisutni su se obratili Izet Nuhanović, direktor sajma, Dževad Mujkić, načelnik Općine Lukavac, doc.dr.sc Bruno Bojić, dopredsjednik Vanjskotrgovinske komore BiH, Edin Ajanović, ministar turizma, trgovine i saobraćaja u Vladi TK i Čedomir Božić, predsjednik Općine Žabalj. Tokom tri dana održavana su tematska predavanja, prezentacije i promocije knjiga, a koje se odnose na turizam, ponudu

pojedinih gradova i regija i tradiciju i kulturu zemalja učesnica. Najviše učesnika okupili su Festival hrane i pića, na kojem se predstavilo 18 udruženja žena iz cijele BiH, Sajamska biciklijada sa preko 60 biciklista i Novinarska kotličijada u kojoj je učešće uzelo 12 ekipa. Sajamski dani bili su prilika i za druga kulturna i sportska dešavanja i koncerte u Lukavcu. Sajam turizma List organizirali su „Nuhanović“ d.o.o PJ Lukavački sajam i Općina Lukavac, a uz podršku Federalnog ministarstva okoliša i turizma, Vlade TK i drugih institucija i organizacija. 13.Sajam turizma List organizovali su „Nuhanović“ d.o.o PJ Lukavački sajam i Općina Lukavac, a uz podršku Federalnog ministarstva okoliša i turizma, Vlade TK i drugih institucija i organizacija.

D.K.

Širenje na tržište zapadnog Balkana...

## "ŠIRBEGOVIĆ" ZA PRVIH PET MJESECI 2015. OSTVARIO RAST PRIHODA OD 108%

# ŠIRBEGOVIĆ INŽENJERING

d.o.o. za inženjering, projektovanje i izvođenje građevinskih radova

Kompanija "Širbegović" je u prvih pet mjeseci 2015. godine ostvarila rast prihoda od 108% u odnosu na isti period 2014. godine. Prilagođavanjem poslovne strategije tržišnim uslovima i konstantnim unapređivanjem kvaliteta proizvoda i usluga, vodeći brend BiH u građevinarstvu nastavlja širenje na tržištu zapadnog Balkana. - U proteklom periodu

ugovorili smo nove poslove u Hrvatskoj, Srbiji i BiH, te time uspostavili temelje za preuzimanje vodeće uloge na regionalnom tržištu AB konstrukcija. Drago nam je da smo pored firmi u komercijalnom sektoru sa kojima saradujemo duži niz godina, uspostavili saradnju i sa snažnim građevinskim firmama, koje su nas prepoznale kao pouzdanog partnera. U fazi smo pregovaranja za nekoliko projekata u Sloveniji i Makedoniji. To nam ulijeva veliki optimizam, ali i obavezu da opravdamo povjerenje koje su nam naši kupci povjerali - kažu iz "Širbegovića". Kažu da je njihov glavni cilj da proizvode konstrukciju najvišeg kvaliteta, uz uvažavanje svih zahtjeva kupaca. - Standardi o kvaliteti koji važe u EU su integralni dio naše proizvodnje, te sa njima radimo i na tržištima na kojima nije obavezno da se primjenjuju. Tu posebno mislimo na tržišta Bosne i Hercegovine i Srbije, gdje ovi standardi još uvijek nisu stupili na snagu. EU norme svojim zahtjevima po pitanju kvaliteta proizvoda i procesa daleko prevazilaze zahtjeve koji su postavljeni važećim propisima. Budućnost kompanije "Širbegović" vidimo u postizanju najvećeg mogućeg stepena poslovne i organizacijske kulture, koja je fokusirana na potrebe naših klijenata, sa regionalno prepoznatljivim imidžom – zaključuju u "Širbegoviću".

Ekskluzivni Beko shop

### U SARAJEVU OTVOREN EKSKLUZIVNI BEKO SHOP



Ekskluzivni Beko shop otvoren je u sarajevskom naselju Marindvor. Kompletan prostor Beko shopa je uređen po novom konceptu gdje se sav asortiman izlaže u segmentima i po novom konceptu brendiranja Beko, s novim logom. Beko shop se prostire na 180 metara kvadratnih prodajnog prostora, a otvara ga firma Omega d.o.o, koja je ekskluzivni zastupnik brendova Beko, Grundik i Blomberg za BiH. Ovo je 20. Beko shop u BiH i deveti u Sarajevu. Na dan svečanog otvaranja za prvih 50 kupaca osigurani su

vrijedni pokloni, a prvih deset dana za sve kupce osiguran je popust od pet posto na kompletan asortiman.

D.K.



Novosti za kupce...

## NAJBOJA ONLINE PRODAVNICA "OMEGA WEB SHOP"

*- Upriličeno svečano otvaranje online prodavnice - Omega web shop na adresi [www.omega.ba](http://www.omega.ba) - "Kupujte iz udobnosti Vašeg doma i ne zaboravite - Zaštita i sigurnost Vaših ličnih podataka je naš primarni cilj - Vaša Omega"! -*



Svečano otvaranje najbolje online prodavnice za kupovinu bijele tehnike i elektronike Beko, Blomberg i Grundig, Omega web shop na adresi [www.omega.ba](http://www.omega.ba), upriličeno je 10. juna. Kupovina svih raspoloživih proizvoda objavljenih na našem Web Shop-u obavlja se kompletno putem Interneta. U par jednostavnih koraka i par klikova željeni proizvod je „već“ pred ulaznim vratima kupca. Za sve one koji žele pomoć pri naručivanju, željeni proizvod mogu naručiti i putem telefona pozivom na 035 312 450, ili

putem e-maila [webshop@omega.ba](mailto:webshop@omega.ba). Čitav proces kupovine na našem Web Shop-u vrlo je jednostavan, i ne oduzima više od par minuta vremena. Od odabira proizvoda pa do same naplate prolazi se kroz par koraka: Odabir proizvoda, nastavak na plaćanje, popunjavanje potrebnih informacija, plaćanja i naravno dostave do krajnjeg kupca.

Plaćanje se može izvršiti:

- Jednokratno putem debitnih i kreditnih kartica svih banaka (Visa, MasterCard, American Express, Maestro - i putem PayPal-a)
- Gotovinom (po primitku pošiljke-pouzećem)
- Plaćanje na rate putem shopping kartica

Dostava se vrši do ulaza u stambeni objekat željene adrese na području cijele Bosne i Hercegovine. Za svaku Vašu kupovinu preko 50 KM dostava je besplatna. Kupljeni proizvodi će biti dostavljeni na Vašu adresu najkasnije 48 sati od trenutka kada ste primili obavještenje o uspješno izvršenoj kupovini. U slučaju da proizvod koji vam je dostavljen nije proizvod koji ste naručili isti možete zamijeniti ili vratiti uz refundaciju najkasnije 7 dana od dana dostave. Vašu narudžbu možete otkazati sve do trenutka dok Vam naš operater ne potvrdi da je narudžba zaprimljena. Na našem Web Shopu možete pronaći pregršt informacija vezano i za naše šopove širom BiH. U svemu tome pomoći će vam naš „Lokator trgovina“ koji u realnom vremenu na mapi pokazuje svaku od lokacija sa pratećim informacijama. Moramo napomenuti da svi proizvodi iz asortimana Beko bijele tehnike dolaze sa 5 godina pune garancije, u okviru koje dobijate besplatan servis kao i zamjenske dijelove. Sa 5 godina garancije pokriveni su svi proizvodi iz asortimana Beko bijele tehnike, dok Beko klima uređaji, Grundig TV uređaji, kao i Beko i Grundig mali kućanski uređaji dolaze se 2 godine garancije. Želimo istaknuti da tokom našeg dugodišnjeg poslovanja naši kupci su nam uvijek bili na prvom mjestu, kao i zaštita njihovih ličnih podataka. Shodno tome sigurnost i zaštita ličnih podataka je naš primarni cilj, zato sve naše Web aktivnosti obavljamo u skladu sa zakonom za zaštitu i sigurnost podataka, saopćeno je iz "Omega" PR službe. Kako je istaknuto na svečanom otvaranju online prodavnice, na kojem je za prvih 50 kupaca bio obezbijeđen i vrijedan poklon, u Omag online prodavnici prihvataju sve debitne i kreditne kartice, plaćanje putem PayPal-a ili shopping kartica. Za više informacija, kontaktirajte Omegu putem telefona na broj 035/312-450 ili putem e-maila [Webshop@omega.ba](mailto:Webshop@omega.ba).

**"Kupujte iz udobnosti Vašeg doma i ne zaboravite - Zaštita i sigurnost Vaših ličnih podataka je naš primarni cilj - Vaša Omega!"**

D.K.

Tuzlanska pivara počela izvoziti u Tursku...

## U MAJU POVEĆANA PRODAJA ZA 100%

*- Prve količine isporučene u Tursku – Uspješno obavljani pregovori – Procedure oko cijena, dizajna i naziva proizvoda – Pregovori sa Švedskom, Švicarskom, Hrvatskom, Srbijom i Crnom Gorom -*

Tuzlanska pivara prije nekoliko dana krenula je sa isporukom prvih količina proizvoda u Tursku. Rezultat je to pregovora, koji su trajali dva mjeseca, menadžmenta Pivare sa predstavnicima K. H. for General Trading LTD. Ugovor koji je potpisan predviđa izvoz asortimana proizvoda sokova na ovo područje, kao i njihovu širu okolinu.



### Ambicije

“Prvi šleper je krenuo 18. maja za Tursku, a poslije toga ide još pet šlepera, s tim da se već pripremaju nove narudžbe. Ovo je sada pilot projekt, dok ne vidimo kako će to funkcionisati nećemo ići sa većim količinama kako ne bismo imali problema na graničnim prelazima. Ovih dana očekujemo dolazak naših proizvoda tamo”, kazao je za Oslobođenje direktor Tuzlanske pivare Fahrudin Salihović. Kako je kazao Salihović, nisu imali mnogo problema oko samog izvoza u Tursku, ali je bilo određenih procedura oko samog dizajna i naziva proizvoda, te postizanja određenih cijena, ali i to je riješeno. “Osim Turske u koju smo počeli izvoz, u

toku su pregovori i sa Švedskom i Švicarskom, te sa Hrvatskom, Srbijom i Crnom Gorom. Nadam se da ćemo i to uskoro završiti i da će se naši proizvodi naći i na policama marketa u ovim zemljama”, kazao je Salihović. Protekli period za Tuzlansku pivaru, kako je istakao Salihović, bio je jako uspješan. Promijenili su kompletan PET program, te su u toku prošle i ove godine u Pivaru uložili dva miliona KM. “Za ta dva miliona KM nismo se zadužili kreditno nego smo iz svojih izvora finansiranja to uradili. U ovoj godini su nam ambicije da povećamo te investicije sa dodatnih dva miliona KM. Ovih dana otvaramo podružnicu u Bihaću u kojoj ćemo zaposliti dva radnika. Želimo da smanjimo ukupne troškove na području Unsko-sanskog kantona i da se proširimo u svakom segmentu, da dođemo do svakog prodajnog objekta”, poručio je Salihović.



### Povećana prodaja

Za prva četiri mjeseca ove godine Tuzlanska pivara povećala je prodaju za 18 posto, a u maju su ostvarili povećanje prodaje u odnosu na maj 2014. godine za skoro sto posto. - Ostvarili smo pozitivne rezultate za prva četiri mjeseca ove godine, a ukoliko bi to uporedili sa istim mjesecima prošle godine kada je poslovanje bilo negativno, možemo reći da smo prešli u pozitivno poslovanje. U ovoj godini želimo da napravimo najbolji rezultat u proteklih 20 godina, dodao je Salihović.

D.K.



Pomoć tuzlanskom gigantu...

## BINGO DITA-I PRUŽIO RUKU SPASA



Trgovački lanac Bingo će na svojim policama ekskluzivno plasirati asortiman fabrike deterdženata "Dita" Tuzla, dogovoreno je na sastanku predstavnika "Dite" i menadžmenta Binga, a kojem je prisustvovao i premijer Tuzlanskog kantona. Osim podrške koju će pružiti otkupom i plasmanom cjelokupne palete proizvoda, Bingo će finansijski podržati proizvodnju narednih 100t tečnog deterdženta za suđe, poznatog naziva "3D". Kako su istakli predstavnici "Dite", "3D" će se puniti u ambalažu koja je bila posljednja prisutna na tržištu, ali po kvalitetom obilježenoj recepturi s početka devedesetih godina. "Bingo je spreman podržati plasman Ditinih proizvoda kroz svoju maloprodaju, ali i finansijski podržati proizvodnju narednih 100t popularnog deterdženta za suđe "3D". Već u narednoj

sedmici očekujemo prve proizvode na našim policama, najprije na području Tuzle, ali kasnije i na području cijele BiH. Ovim putem apelujemo na kupce da podrže ovaj domaći brend.", izjavila je Tatjana Paunoski, službenica za odnose s javnošću Bingo doo. Stečajni upravnik Dite, Hajrudin Kunalić istakao je da ovo prilika da "Dita" prije najavljene Skupštine povjerenika pokaže da može raditi, proizvoditi i plasirati svoje proizvode na tržište". "Današnja aktivnost je prilika da se pokaže da stečaj nije likvidacija, kao i da se kroz strukturirani stečaj može ponovno pokrenuti proizvodnja.", istakao je premijer Gutić i još jedanput zahvalio trgovačkom lancu Bingoa poduzimanje ove inicijative i pružanje šanse za revitalizaciju domaće fabrike i brendova. Bingo doo je još jedanput dokazao svoj patriotizam. Obzirom da je Bingov slogan "Kralj dobrih cijena" i cijene Ditinih proizvoda će biti veoma prihvatljive.

## KONZUM PONUDIO POMOĆ RADNICIMA DITE



Kompanija Konzum obećala je pomoći radnicima tuzlanske Dite koji iznova pokreću proizvodnju. "Proizvodi Fabrike deterdženata Dita Tuzla, kada budu spremni za plasman, naći će se na policama Konzuma, a najveći trgovački lanac u BiH radnicima ove kompanije u budućnosti će biti na raspolaganju za svaku vrstu pomoći kada je u pitanju dalji plasman proizvoda. Osim toga, radnici Dita Tuzla u svakom momentu mogu se obratiti Konzumu za pomoć koja je komercijalnog karaktera", navode iz Konzuma. Ističu da na ovaj način daju nesebičnu pomoć radnicima nekadašnjeg giganta koji su, nakon višegodišnje agonije, ponovo pokrenuli proizvodnju. "Vijest da je Dita ponovo pokrenula proizvodnju obradovala je sve građane BiH. Brendovi ove kompanije bili su poznati širom BiH i regiona. Nažalost, zadesila ih je tužna sudbina,

kao i mnoge slične privredne kombinat. Pokretanje proizvodnje je vraćanje u život Tuzlanskog kantona, grada Tuzle, ali i ekonomije BiH. Bez jake Dite i drugih proizvođača nema ni stabilne bosanskohercegovačke ekonomije. Konzum je uvijek podržavao domaću proizvodnju i mi na svojim policama želimo imati proizvode tuzlanskog proizvođača, ali im i pomoći u lansiranju proizvoda na tržište. To će svakako pomoći i u vraćanju na posao starih, te zapošljavanju novih radnika", istakao je Adnan Šteta, izvršni direktor Konzuma. On je razgovarao s predstavnicima Dita Tuzla, te naglasio da će Konzum učiniti sve kako bi ova kompanija očuvala pokrenutu proizvodnju. "Razgovarao sam s direktorom Štetom koji nam je ponudio pomoć Konzuma. Ova inicijativa puno nam znači i izuzetno nam je drago što je jedna kompanija kao što je Konzum izrazila podršku i ponudila svoju pomoć. To nam daje nadu da bi mogli uspjeti u svojoj namjeri. Zbog toga se još jednom zahvaljujem Konzumu", naglasio je Hajrudin Kuraslić, stečajni upravnik Dita Tuzla.

D.K.





Peti Međunarodni sajam energetike ...


## ODRŽAN SAJAM „ENERGA 2015“

*- Mjesto susreta predstavnika uglednih domaćih i inostranih kompanija i institucija - Najveći događaj ove vrste u regiji - Prostorno objedinjenje sajamskog i konferencijskog dijela programa -*



Tuzla je od 9. do 12. juna bila domaćin petom Međunarodnom sajmu energetike "Energia 2015". Riječ je o sajamskoj manifestaciji koja objedinjuje sajamsku postavku i konferencijsko-prezentacijske sadržaje. Sajamski prostor smješten na 6.000 kvadratnih metara u SKPC Mejdan u Tuzli, bio je mjesto susreta predstavnika uglednih domaćih i inostranih kompanija i institucija iz oblasti energetike, a okupio je više od 120 izlagača iz 10 evropskih i azijskih zemalja, koji su se predstavili kroz kolektivne ili pojedinačne izlagačke prostore ili prezentacije svojih usluga i proizvoda. Sajam je otvorio Bego Gutić, premijer Tuzlanskog kantona, koji je, između ostalog, istakao da je logično da se ovakav događaj, jedinstven u ovom dijelu Ev-

rope, događa upravo u Tuzli koja je centar energije i rudarstva u BiH. „Ovaj grad i Tuzlanski kanton moraju dobiti neku vrstu ekonomske autonomije, a to podrazumijeva upravljanje našom energijom i ugljem. Razvijanje energetskog sektora zajedničkim snagama doći ćemo do novih radnih mjesta. Tuzlanski kanton je lider u BiH kada su u pitanju energetski resursi, a gradnom radnjom bloka 7 TE Tuzla i izgradnjom Termoelektrane u Banovićima dodatno ćemo ojačati poziciju“, kazao je Gutić. Bruno Bojić, dopredsjednik Vanjskotrgovinske komore BiH, koja je jedan od organizatora sajma, kazao je da ova organizacija već petu godinu pruža podršku Programu „Energia“. „Jedna od najvećih šansi Bosne i Hercegovine jesu energetska efikasnost i energetski potencijali, ali 25 posto kompletnog energetskog potencijala posebno hidropotencijala nije iskorišteno u BiH. Nadam se da će ova vlast razvijati bolju interakciju sa svim onima kojima žele investirati u našoj državi“, istakao je Bojić. Jasmin Imamović, gradonačelnik Tuzle, na otvaranju je govorio u ime grada domaćina istakavši da je da Tuzla grad energije, te ako je pravilno iskoristimo, čemu Tuzla teži, možemo poboljšati ekonomsko stanje u cijeloj državi. „Tuzla je prvi grad sa velikim brojem projekata na polju energetske efikasnosti koji ima strategiju energetske efikasnosti kao i ekološki plan. Moramo nastaviti sa zagovaranjem obnovljivih izvora energije kao i energetske efikasnosti, jer su u njima ogromne mogućnosti razvoja i ušteda u potrošnji energije“, poručio je Imamović. Na svečanom otvaranju gostima su se obratili, Zlatko Alidžanović direktor Uprave Tuzlanskog sajma, Emir Šabić trgovinski savjetnik koji je pročitao pismo Edvarda Fergusona, Ambasadora Velike Britanije u BiH, kao i Admir Softić pomoćnik ministra za prirodne resurse, energetiku i zaštitu okoliša u Ministarstvu vanjske trgovine i ekonomskih odnosa BiH. Pismo podrške „Energia“ uputio je i Fadil Novalić predsjednik Vlade FBiH, koji zbog neodložnih obaveza nije prisustvovao otvaranju sajma.



Novina u odnosu na prošla izdanja "Energie", najvećeg događaja ove vrste u regiji, je prostorno objedinjenje sajamskog i konferencijskog dijela programa, čime su organizatori odgovorili na iskazanu potrebu izlagača i posjetitelja da prisustvuju svim sadržajima Programa "Energia". Sajam je svečano biti otvoren u prezentacijskom prostoru, a brojnim zvanicama su se obratili predstavnici svih nivoa vlasti, privrednih/ obrtničkih komora i diplomatskog kora u BiH. Bogat i kvalitetan prateći program karakteristika je ovogodišnje "Energie". Prvog dana sajma je održan Panel pod nazivom "Aktuelna pitanja razvoja sektora energetike BiH" koji je moderirala Privredna / gospodarska komora FBiH, a u kojem su učešće uzeli predstavnici energetskih kompanija, zakonodavne i izvršne vlasti, investitora i drugih bitnih faktora u ovoj oblasti. Javnosti su predstavili pravce razvoja energetike u BiH. Drugog sajamskog dana u prezentacijskom programu su obrađene teme: "Sistemi za mjerenje kvaliteta uglja i njihovo

korištenje na kopovima i elektranama" (Enelex, Češka), "Osnovne karakteristike i primjena profila od fiberglasa" (Pullcom BH), te "Rješenja za pouzdano napajanje data centara i IT opreme" (SICON SAS Tuzla). Trećeg dana sajma temu pod nazivom "Površinske zaštite metala i maziva za specijalne primjene" prezentirali su predstavnici firme SurTec-Eurosjaj, dok je u sklopu obilježavanja 55 godina rada i postojanja, Rudarski institut Tuzla organizovao okrugli stol pod nazivom "Rudarsko- energetski i okolišni projekti" koji je tretirao šest podtema iz navedene oblasti. Program Energia je biti zatvoren 12. juna svečanošću i dodjelom priznanja izlagačima. Treba istaći da je prisustvo sajamskim sadržajima bilo besplatno, uz prethodnu registraciju putem sajamske web stranice [www.tuzlanskisajam.ba](http://www.tuzlanskisajam.ba) ili na sajamskom infopultu u SKPC Mejdan. Organizator programa "ENERGA 2015" bio je Tuzlanski sajam. Pokrovitelji manifestacije bili su Ministarstvo vanjske trgovine i ekonomskih odnosa BiH i Ministarstvo energije, rudarstva i industrije FBiH. Partneri projekta su Vanjskotrgovinska komora BiH, Privredna / Gospodarska komora FBiH i Vlada Tuzlanskog kantona.

D.K.

Konferencija za novinare u Vladi TK...

## 100 DANA RADA VLADE TUZLANSKOG KANTONA

*- Aktivnosti po dvije linije – Osigurana nesmetana isplata plata i naknada – 44 dana opterećni protestima i demonstracijama – Izostala pomoć Federacije BiH –*



Povodom prvih 100 dana Vlade Tuzlanskog kantona premijer Kantona Bego Gutić je održao konferenciju za medije. Ovom prilikom prezentirane su provedene i započete aktivnosti Vlade i ministarstava pojedinačno. U proteklom periodu Vlada je svoje aktivnosti vodila uporedo po dvije linije. Prva je očuvanje finansijske stabilnosti Kantona, druga su aktivnosti u vezi sa privredom, istaknuto je. „Obzirom da smo u proteklom periodu osigurali nesmetanu isplatu plaća i naknada za sve uposlene u obrazovanju, policiji, pravosuđu i upravi, kao i u zdravstvenom sektoru, te da nije ugrožena finansijska sta-

bilnost Budžeta, mogu reći da sam zadovoljan ovim što smo uradili na finansijskom planu. S druge strane od 100 dana rada ove Vlade, 44 dana smo bili opterećeni raznim protestima i demonstracijama ispred sjedišta Vlade i ministarstava. Ipak i u ovoj oblasti urađeno je mnogo. Otvorili smo mnoge procese, prije svega u onim privrednim društvima gdje Vlada ima većinski udio u kapitalu", rekao je premijer Gutić. U završnoj fazi je priprema sporazuma sa radnicima fabrike obuće Aida, a koji će im omogućiti socijalno zbrinjavanje i sukcesivno uvezivanje radnog staža. "Za Tvornicu transportnih uređaja smo uradili sve što je bilo u mogućnosti Vlade i što je Sindikat od nas tražio, ali su oni i Uprava propustili sve šanse da omoguće ulazak Tvornice u postupak finansijske konsolidacije. Nažalost u ovoj fabrici jedino rješenje jeste restrukturiranje i da kroz stečaj pronađu strateške partnere", istakao je premijer. Također, akcentirano je da je u proteklom periodu Vlada Tuzlanskog kantona očekivala pomoć Federacije BiH, koju je tokom svoje posjete našem kantonu najavio i federalni premijer Fadil Novalić. Nažalost realizacija ove pomoći je izostala. Odmah po imanovanju Vlada je započela aktivnosti na izradi kantonalnih zakona o državnoj službi i zakona o platama u javnom sektoru kojima bi se trebale popuniti određene pravne praznine i na jedinstven način riješiti pitanja plaća i naknada svih uposlenika u javnom sektoru na području Kantona. Donošenje prijedloga ovih zakona očekuje se u narednim danima. Osim rada u oblastima za koju ima direktnu nadležnost Vlada je intenzivno radila i na iniciranju federalnih propisa. Inicijativa za izmjenu zakona kojim se reguliše raspodjela javnih prihoda prema kantonima i otpлата inostranog duga, te Zakona o stečaju su samo neke od aktivnosti koje je Vlada Tuzlanskog kantona vodila tokom prvih 100 dana od svog imenovanja.

## SAČUVATI OKO 1.000 RADNIH MJESTA U GIKIL-U



Premijer Tuzlanskog kantona Bego Gutić razgovarao je u Tuzli sa predsjednikom Nadzornog odbora firme "Global Ispat Kil" iz Lukavca /GIKIL/ Pramodom Mitalom o teškoj situaciji u GIKIL-u i neophodnosti očuvanja oko hiljadu radnih mjesta u ovom kolektivu. Mital je rekao da se GIKIL nalazi u teškoj situaciji, što je, između ostalog, posljedica stanja i pada cijena na svjetskom tržištu i berzi čelika, ali i sa problemima u vezi sa određenim potraživanjima. Gutić je, uvažavajući sve probleme, insistirao i u prvi plan istakao neophodnost da oko 1.000 radnika zaposlenih u GIKIL-u ostane na radnim mjestima. "Iako je profit i poslovanje u fokusu dijela privatnog kapitala, Vlada Tuzlanskog kantona mora voditi računa o svakom radnom mjestu koje ima", rekao je Gutić i ponovio da će Vlada pomoći da se deblokira rad Nadzornog odbora GIKIL-a, radi prevazilaženja teškoća, saopšteno je iz Vlade nakon sastanka.

D.K.



Predstavljamo firme članice Komore...

## DOO "IBRA" TUZLA

*- Kompanija za inženjering proizvodnju, ispitivanje materijala metodom bez razaranja, galvanizaciju, toplo pocinčavanje, zavarivanje, vodu, grijanje, trgovinu i usluge sa p.o. -*

Prilično je neobično, nsvakidašnje a ujedno vrlo ugodno, bilo razgovarati sa Ibrahimom Bosankićem, direktorom i vlasnikom firme "Ibra" doo Tuzla. Prava je rijetkost da imamo priliku predstaviti firmu u kojoj je sve do u detalje posloženo i funkcionira besprijekorno. "Radimo, proizvodimo, izvozimo, isplaćujemo redovno plaće, uplaćujemo sve doprinose na vrijeme, isplatili smo radnicima i 13. polaću, osigurani su, nemamo zaostataka niti dugova, zadovoljni smo i nemamo nikakvih problema". Kada se na početku razgovora čuje ovo što je izjavio direktor Bosankić, onda se zapravo nema više šta ni pitati, sve je prilično jasno. No, ući ćemo u priču o "Ibra" doo Tuzla, idejom i nastanku firme.



Nakon demobilisanja i izlaska iz Korpusa ARBiH, Ibrahim Bosankić 1996. godine dolazi na ideju da otvori privatnu firmu. Bogato iskustvo, neosporno znanje, ideje, doveli su ga do toga da pokrene firmu koja je u prvobitnoj ideji bila Institut za ispitivanje materijala. "Onda smo za SFOR počeli raditi sve i svašta pa i toplifikaciju stanova. U toku tih radova, otkrili smo da poslovi cinčavanja nisu dovoljno zastupljeni. Otvorili smo jednu malu cinkaonu koja nas je kroz aktivnosti dovela i do toga da shvatimo kako je i toplo cinčanje prilično loše zastupljeno, osim onoga što se radi u Srbiji. Odlučili smo da se

posvetimo tom poslu i danas imamo kapacitete od 20 tona na dan a imamo tendenciju povećanja ukoliko uvedemo i treću smjenu, po potrebi", ističe direktor Bosankić. Kvalitet usluga, visoka profesionalnost, poštivanje zadatih rokova, učinili su da firma ima zavidnu listu poslovnih partnera. Prepoznali su kvalitet toplog cinčanja i u JP "Elektroprivredi BiH", JP "PTT BiH", rade za bh kompanije uključene u izgradnju Koridora Vc, njihovim uslugama su zadovoljni u firmama kao što su "Deling" Tuzla, "Menger" Tuzla, "Umel Dalekovodmonotaža", TE Stanari, firmama partnerima iz Banjaluke, iz Crne Gore i, dug je spisak. "Imamo puno posla, primili smo 32 radnika u prvoj fazi, nedavno još 16 novih radnika, uspješno poslujemo. Radimo, proizvodimo, izvozimo, isplaćujemo redovno plaće, uplaćujemo sve doprinose na vrijeme, nemamo zaostataka niti dugova, zadovoljni smo i nemamo nikakvih problema. Novu fabriku za toplo pocinčavanje OBRA d.o.o. pokrenuli smo u oktobru 2.013. godine sa kapacitetom od 3.000 tona godišnje", izjava je direktora Bosankića koja se ne čuje često.



Kada je u pitanju ispitivanje materijala metodom bez razaranja, inače institutski posao, treba istaći da je upravo primjena ove metode dovela do toga da firma "Ibra" ima status firme koja uz cinčanje i ispituje materijale. Ovim je napravljen korak dalje, napravljena jača poveznica sa naukom, dovela je do dominacije na području Bosne i Hercegovine kada je riječ o cinčanju, zaštiti materijala. Nedostatak kvalitetnih kadrova na našem području, u firmi "Ibra" su uspješno prebrodili. "Kada je u pitanju ono čime se mi bavimo, moram istaći da nema dovoljno kadrova. Ipak, mi smo naše radnike obučili imamo mlade timove ljudi koji su vrlo brzo savladali materiju, koji su za par mjeseci obučeni i dobri radnici", govori Bosankić. I kad smo mislili da nema ama baš nikakvog problema u firmi direktor nas demantuje: "Naš jedini problem je to što mi stalno idemo dalje. Težimo konstantno novom iskoraku. Unaprjeđujemo firmu, okruženje u kojem radimo, infrastrukturu, posvećeni smo edukaciji radnika. Naša firma zadovoljava sve standarde, imamo sva četiri standarda koja posotje, dajemo ateste za našu robu, ispunjavamo sve uslove. Nedavno smo sa firmama iz Orašja i Banjaluke napravili jedan konzorcij i potpisali ugovor sa Međunarodnom zajednicom za izradu 500 staklenika namijenjenih poplavljenim područjima u nepogodama prošle godine. Samo rad, znanje, ispunjavanje obaveza, adekvatno plaćanje i nagrađivanje radnika su recepti za uspjeh. Ako želite dobro radnika morate ga dobro i platiti. Moramo raditi mnogo više nego drugi u okruženju jer je naš poslovni ambijent mnogo lošiji", zaključuje razgovor direktor Ibrahim Bosankić. Rijetka, pozitivna priča iz privrede Bosne i Hercegovine...

D.K.

Usaglašen tekst Memoranduma ...

## USPOSTAVA PARTNERSTVA ZA PODUZETNIČKO UČENJE U TUZLANSKOM KANTONU



Memorandum o partnerstvu na razvijanju poduzetničkog učenja u Tuzlanskom kantonu potpisali su predstavnici ministarstava za obrazovanje, nauku kulturu i sport, te poduzetništvo TK-a, zatim Pedagoškog zavoda, Zavoda za zapošljavanje, Privredne komore, Univerziteta u Tuzli i nekoliko nevladinih organizacija. To je rezultat dogovora na okruglom stolu pod nazivom “Partnerstva politika za poduzetničko učenje”, koji je u Tuzli održan u organizaciji Ministarstva obrazovanja, nauke, kulture i sporta, Ministarstva razvoja i poduzetništva TK-a i projekta koji finansira EU “Poduzetničko učenje u obrazovnim sistemima BiH,

faza II”. Cilj skupa bio je razgovor o uspostavi partnerstva za poduzetničko učenje Tuzlanskog kantona, savjetodavnog tijela koje će utvrđivati akcijske planove, savjetovati Vladu o politikama poduzetničkog učenja te pratiti realizaciju politika i programiranih aktivnosti. Ministrica obrazovanja, nauke i kulture u Vladi TK-a Mirsada Begović izjavila je za Fenu da je potpisivanje memoranduma o partnerstvu radi razvijanja poduzetničkog učenja veoma važno za obrazovni sektor. Učenici će kroz jedno ovakvo učenje steći od predškolskog do visokog obrazovanja određene kompetencije, vještine s kojima će moći da participiraju u budućim zanimanjima. Ministrica Begović je izrazila nadu da će svi akteri, potpisnici sporazuma, pristupiti implementaciji zadatih projekata. Ministrica razvoja i poduzetništva TK-a Mirela Đaković ocijenila u izjavi za Fenu da je poduzetničko učenje na području ovog kantona i općenito u BiH malo zastupljeno, te da će potpisivanjem spomenutog memoranduma nevladin sektor te zakonodavna i izvršna vlast nastojati ovakav projekt provesti u djelo. Sporazum o razumijevanju će definirati, kako je rečeno, aktivnosti svakog od aktera radi omogućavanja boljeg obrazovanja, odnosno gdje će obrazovanje i privreda praviti neraskidivu sponu. Na okruglom stolu u Tuzli je istaknuta opredjeljenost svih institucija da kreiraju partnerstvo politika poduzetničkog učenja Tuzlanskog kantona. Posebno je istaknut potencijal pristupa vladinim i donatorskim fondovima, kako bi se osnažile aktivnosti poduzetničkog učenja. Kada su u pitanju naredni koraci, nakon potpisivanja Memoranduma, dogovoreno je da se u prvim danima juna imenuju članovi Partnerstva politika, da Ministarstvo obrazovanja, nauke, kulture i sporta organizuje sastanak Partnerstva u idućoj sedmici, a Projekt će podržati izradu Akcijskog plana za razvoj poduzetničkog učenja u Tuzlanskom kantonu. Akcijski plan treba biti završeno do kraja juna 2015. godine i prosljeđen Ministarstvu obrazovanja.



- Mirsada Begović, ministrica obrazovanja, nauke, kulture i sporta Tuzlanskog kantona: „Potrebno razvijati obrazovne politike koje će odgovoriti zahtjevima tržišta rada, te da stvaranje partnerstva politika za cjeloživotno poduzetničko učenje trasira put Bosne i Hercegovine ka EU“.
- Mirela Đaković, ministrica razvoja i poduzetništva Tuzlanskog kantona: „Izuzetno je važno kreiranje partnerstva politika poduzetničkog učenja za održivi razvoj Tuzlanskog kantona. „

- Mensura Aščerić, prorektorica: „Univerzitet u Tuzli će organizirati tradicionalnu manifestaciju Ljetni univerzitet koja će ove godine biti posvećena temi „Visoko obrazovanje i tržište rada“ koja izuzetno korespondira osnivanju partnerstva politika.“
- Razija Majstorović, Služba za zapošljavanje: „Služba i Federalni zavod za zapošljavanje izdvajaju sredstva za aktivne mjere zapošljavanja, te da će ove godine biti uključeni i start-upovi, kao vid poduzetničkog samozapošljavanja.“

Erdogan boravio u jednodnevnoj posjeti Sarajevu...

## ZIRAATBANK BH IMPLEMENTIRA NOVIH 50 MILIONA EURA U BH PRIVREDU



Početak implementacije Kreditne linije i svečano potpisivanje Sporazuma o finansiranju, svojim prisustvom je uvećao, predsjednik Republike Turske Recep Erdoğan, 20. maja u Sarajevu, a riječ je o kreditnoj liniji koju je obezbijedila Vlada Republike Turske i bit će plasirana krajnjim korisnicima putem ZiraatBank BH d.d. Sarajevo, prenosi bh. novinska agencija Patria. Cilj implementacije je pružanje podrške pravnim licima, samostalnim poduzetnicima/obrtnicima i fizičkim licima kroz obezbjeđenje povoljnijih uvjeta dostupnosti finansijskih sredstava. Sredstva iz Kreditne linije koristit će se za kreditiranje investicionih i

poduzetničkih aktivnosti u Bosni i Hercegovini koje imaju za cilj: jačanje i unaprijeđenje ekonomije u BiH, povećanja zaposlenosti i samozaposlenosti u BiH, finansiranja projekata iz oblasti proizvodnje (u širem smislu), poljoprivrede, turizma, prerađivačke industrije i povezanih usluga. Iznos Kreditne linije je 50.000.000,00 EUR na period od 10 godina, po najpovoljnijim kamatnim stopama: do 12 mjeseci: 2,99%, od 13 do 60 mjeseci 3,49% i od 61 do 120 mjeseci 3,99%. Svečanom potpisivanju Sporazuma o finansiranju i početku implementacije Kreditne linije Republike Turske prisustvovao je i Mladen Ivanić, predsjedavajući Predsjedništva BiH, a sporazum je potpisan u Parlamentarnoj skupštini BiH.

## POVEZALI SE PRIVREDNICI GORAŽDA, GRAČANICE, GRADAČCA I TEŠNJA



Premijer BPK Goražde Emir Oković upriličio je nedavno prijem za delegaciju privrednika iz Gračanice koji već drugi dan borave u ovom gradu. Sastanku su prisustvovali i predstavnici privrednih subjekata s prostora Bosansko-podrinjskog kantona Goražde. Posjeta privrednika iz Gračanice privrednicima u Goraždu imala je za cilj upoznavanje sa privrednim kretanjima u ove dvije općine te mogućnostima saradnje u narednom periodu. Prema riječima predsjednika Udruženja poslodavaca BPK Goražde Ibra Mašale, jedna od inicijativa privrednika iz Gračanice, a koju je podržalo i ovo udruženje pored Gradačca i Tešnja, je da se u zakonodavnom smislu na nivou FBiH i države BiH više podržavaju stavovi realnog sektora. "Ovi ljudi imaju jednu ideju, a to je bolje uvezivanje poslovnog sektora, ne samo u

FBiH već u cijeloj državi BiH. Ta njihova ideja je nama vrlo prihvatljiva. Gračanica je vrlo razvijen grad kada je riječ o realnom sektoru, ljudi tamo imaju jedan poduzetnički duh, a u prilog tome i činjenica da oni zapošljavaju preko 8.000 ljudi", istaknuo je predsjednik Udruženja poslodavaca BPK Goražde Ibro Mašala. Premijer BPK Goražde Emir Oković podržao je stavove privrednika te obećao podršku. "Ja sam njihovu inicijativu shvatio kao pojačani angažman Udruženja poslodavaca i ljudi okupljenih u realnom sektoru da vide kakvo je raspoloženje ove Vlade i drugih u tom segmentu. Opredjeljenje Vlade BPK Goražde u programu rada je otvorenost prema privredi i u tom dijelu smo iskazali podršku. Obzirom da znamo koliko je razvijen kraj odakle dolaze naši današnji gosti imali smo nekoliko ideja za postizanje određene saradnje tako da ćemo vidjeti ukupan epilog ovih današnjih inicijalnih razgovora", kazao je premijer BPK Goražde Emir Oković. Uz riječi zahvalnosti premijeru, Sead Terzić, predsjednik Udruženja poslodavaca i samostalnih privrednika općine Gračanica izrazio je želju da saradnja privrednika ove dvije općine bude na višem nivou, onako kako to ove dvije sredine zaslužuju, saopćeno je iz press službe Vlade BPK.

D.K.



## Zaštita jezera Modrac...

### POČELA IZRADA PLANA ZAŠTIĆENOG PODRUČJA JEZERA MODRAC



Ministarstvo prostornog uređenja i zaštite okolice Tuzlanskog kantona počelo je s izradom plana zaštićenog područja jezera Modrac, izjavio je za Fenu ministar prostornog uređenja i zaštite okolice u Vladi Tuzlanskog kantona Hasan Ferhatović. "To je nešto za šta ćemo se prvi put uhvatiti ukoštac, a prvi korak je svakako izrada planske dokumentacije, jer mišljenje u regionu je da je jezero Modrac jedan od značajnijih resursa koje Tuzlanski kanton ima, i s aspekta korištenja pitke vode i s aspekta vode kao energenta, te za turizam", kazao je ministar Ferhatović. Da bi se bilo šta uradilo potrebna je izrada planske dokumentacije, a Ministarstvo prostornog uređenja i zaštite okolice TK-a predvidjelo je od sto do sto pedeset hiljada KM za izradu projektne dokumentacije. Pravi se prostorni plan jezera, razni aspekti, energetske dio, flora, fauna, itd., istakao je Ferhatović. Ministarstvo radi na osnovu programa rada koji donosi za svaku godinu. U tromjesečnom periodu, kako djeluje s novim ministrom na čelu, Ministarstvo je imalo niz aktivnosti, osim toga što se svakodnevno izdaju odgovarajuće građevinske i urbanističke saglasnosti i što se drugostepeni organ za urbanizam i ekologiju u odnosu na općine bavi donošenjem i predlaganjem određenih zakonskih akata. Prva provedena aktivnost je izmjena Zakona o prostornom uređenju i građenju, što je omogućilo izdavanje urbanističkih i građevinskih dozvola općinama koje nisu donijele svoje prostorne planove, produžen je rok do kraja tekuće godine, naglasio je ministar Ferhatović. "Ove godine smo objavili dva vrlo važna plana: Plan zaštite okoliša i Plan upravljanja čvrstim otpadom, to su dva dokumenta na kojima se radilo dvije do tri godine, koji treba da svoje efekte vide i u lokalnim zajednicama", rekao je te istakao da su to akti koji su prvi puta doneseni na području TK-a koji prate evropske standarde, na osnovu kojih se može aplicirati i prema evropskim fondovima. "Ovim planovima je sve regulirano: vode, šume, drugačiji pristup rada javnih komunalnih preduzeća, postavljanje novih standarda i na kraju ono najvažnije što su definirani određeni efekti i zakonski mehanizmi kojima je određen način na koji se sve treba riješiti", naglasio je ministar Ferhatović.



Suština Kantonalnog plana upravljanja otpadom je da se ide ka regionalnim deponijama i najsavremenijem zbrinjavanju otpada. Najveći problem u smislu zaštite okoliša u Tuzlanskom kantonu su divlje deponije, ne samo veće nego i one manje, ocijenio je ministar Ferhatović i naglasio da su one registrovane te da se ide ka njihovom saniranju i zatvaranju. Jedan od najvećih projekata koji se radi je regionalna deponija za općine Kladanj, Živinice i Banovići, na granici između općina Banovići i Živinice. Vlasnik parcele je dijelom Javno preduzeće Šume i dijelom Rudnik mrkog uglja Banovići. Ovo je primjer koji će slijediti ostale općine ili grupe općina, istakao je Ferhatović. "Nažalost, mi smo imali za cijeli kanton planiranu regionalnu deponiju na općini Lukavac, Huskići, što je propalo, uložena su velika sredstva, a to je bilo rješenje za cijeli kanton", mišljenja je ministar Ferhatović. Dodao je da su proteklih dana urađeni i programi za raspodjelu sredstava namjenskih za zaštitu okoliša, energetska učinkovitost i prvi put ove godine napraviti ćemo javni poziv za namjenska sredstva iz premjera i predračuna, gdje ćemo općinama pomoći u unapređenju opreme vezano za geodetske službe i katastar. Urađen je i program za javni poziv za općine iz oblasti zaštite okoliša za javna komunalna preduzeća, za udruženja građana, za unapređenje mjera i zaštite okolice i sprečavanja divljih deponija, a također mogu učestvovati na pozivima i javna preduzeća s aspekta energetske učinkovitosti. Misli se prije svega na smanjenje otpadnih gasova. U proceduri je i izrada zakon o korištenju i upravljanju održavanja zajedničkih dijelova i uređaja zgrade. "Problem na koji treba skrenuti pažnju su i veći sistemi za proizvodnju toplotne energije. Postoje toplane koje rade na zastarjelom principu, gdje ispuštaju veće količine nedozvoljenih štetnih gasova i naravno ono što imamo je problem industrijske zone Lukavca i Tuzle, nadasve Lukavca i tzv. „bijelo more“, nusproizvodi koksare", izjavio je on, te dodao da treba naći odgovarajuće rješenje.

D.K.



Privredna kretanja u Tuzlanskom kantonu I - III 2015. godina

**INFORMACIJA O PRIVREDNIM KRETANJIMA U TUZLANSKOM KANTONU**

U prvom kvartalu 2015. godine, ostvaren je pad obima industrijske proizvodnje u odnosu na isti period 2014. Godina u vrijednosti od 7,3%. Privreda Tuzlanskog kantona u martu 2015. godine u odnosu na prosjek 2014. ostvarila je rast industrijske proizvodnje od 1,7%. U odnosu na prvi kvartal 2014. godine, prerađivačka industrija ostvaruje pad od 4,0%, proizvodnja i snabdijevanje električnom energijom 5,6%, dok vađenje ruda i kamena ostvaruje pad od 16,6%.



U I kvartalu 2015. godine iz Tuzlanskog kantona ukupno je izvezeno proizvoda u vrijednosti od 292.102.000 KM što je u odnosu na I kvartal 2014. godine rast od 6,93%. U isto vrijeme je došlo do rasta uvoza od 13,32% te je uvezeno roba u vrijednosti od 314.966.000 KM. Pokrivenost uvoza izvozom je 92,74%, a u istom periodu prošle godine je bila 98,28%. Vanjskotrgovinski deficit je 22.864.000 KM.



Najznačajniji vanjskotrgovinski partneri Tuzlanskog kantona su Njemačka, Slovenija, Italija, Hrvatska i Austrija. Prema podacima Federalnog zavoda za zapošljavanje, u martu 2015. godine u Tuzlanskom kantonu je bilo zaposleno ukupno 82.544 osobe. U odnosu na prethodni mjesec, broj zaposlenih je veći za 0,7%, dok je u odnosu na prosjek 2014. godine broj zaposlenih veći za 1,2%. Prerađivačka industrija i trgovina zapošljavaju najviše osoba.

|               | Zaposlenost (III 2015) | Nezaposlenost (III 2015) | Prosječna plaća (III 2015) |
|---------------|------------------------|--------------------------|----------------------------|
| <b>UKUPNO</b> | <b>82.544</b>          | <b>97.961</b>            | <b>739</b>                 |
| Banovići      | 5.280                  | 5.327                    | 843                        |
| Čelić         | 864                    | 2.778                    | 661                        |
| Doboj-Istok   | 1.579                  | 2.613                    | 532                        |
| Gračanica     | 8.980                  | 9.534                    | 526                        |
| Gradačac      | 7.174                  | 7.623                    | 582                        |
| Kalesija      | 3.462                  | 0.047                    | 622                        |
| Kladanj       | 1.911                  | 2.726                    | 629                        |
| Lukavac       | 8.246                  | 10.783                   | 755                        |
| Sapna         | 602                    | 2.555                    | 777                        |
| Srebrenik     | 4.819                  | 8.773                    | 613                        |
| Teočak        | 438                    | 1.837                    | 766                        |
| Tuzla         | 30.874                 | 20.472                   | 869                        |
| Zivinice      | 8.315                  | 14.091                   | 709                        |

| Djelatnost                                       | Tuzlanski kanton |             |
|--|------------------|-------------|
|  | Neto plaća       | Bruto plaća |
| A Poljoprivreda, šumarstvo i ribolov             | 668 KM           | 994 KM      |
| B Vađenje ruda i kamena                          | 896 KM           | 1.351 KM    |
| C Prerađivačka industrija                        | 516 KM           | 763 KM      |
| D Proizvodnja i snabdijevanje el.en., plinom     | 1.501 KM         | 2.332 KM    |
| E Snabdijevanje vodom i uklanjanje otpadnih voda | 806 KM           | 1.223 KM    |
| F Građevinarstvo                                 | 475 KM           | 705 KM      |
| G Trgovina na veliko i malo                      | 514 KM           | 769 KM      |
| H Prevoz, skladištenje i komunikacije            | 651 KM           | 976 KM      |
| I Hotelijerstvo i ugostiteljstvo                 | 554 KM           | 829 KM      |
| J Informacije i komunikacije                     | 1.043 KM         | 1.608 KM    |
| K Finansijske djelatnosti                        | 1.160 KM         | 1.796 KM    |
| L Poslovanje nekretnnima                         | 587 KM           | 878 KM      |
| M Stručne, naučne i tehničke djelatnosti         | 775 KM           | 1.152 KM    |
| N Administrativne i pomoćne uslužne djelatnosti  | 565 KM           | 855 KM      |
| O Javna uprava i odbrana                         | 1.086 KM         | 1.665 KM    |
| P Obrazovanje                                    | 779 KM           | 1.194 KM    |
| Q Zdravstvena socijalna zaštita                  | 1.030 KM         | 1.590 KM    |
| R Umjetnost, zabava i rekreacija                 | 755 KM           | 1.148 KM    |
| S Ostale uslužne djelatnosti                     | 687 KM           | 1.040 KM    |

Prema podacima Federalnog zavoda za zapošljavanje, u martu 2015. godine je registrovano 97.961 nezaposlenih osoba ili 0,55% manje u odnosu na februar 2015. Prema stručnoj spremi, najviše je KV i NKV radnika, a

slijede osobe sa srednjom stručnom spremom. Prosječna neto plata u Tuzlanskom kantonu u martu je iznosila 739,00 KM što je ispod prosjeka Federacije BiH. U odnosu na kantonalni prosjek iz 2013. godine, neto plaća je ostala na istom nivou. Najviše prosječne neto plate u Tuzlanskom kantonu su u sektoru proizvodnje i opskrbe el.energijom, dok su najniže prosječne neto plate u građevinarstvu.

STRUČNA SLUŽBA KOMORE



**KATASTROFALNO STANJE U PIVARSKOJ INDUSTRIJI BIH, PIVARI TRAZE...**

Predstavnici Grupacije proizvođača piva u BiH Vanjskotrgovinske komore BiH su prezentovali aktuelnu ...

**PKKS 18. JUNA ORGANIZUJE PREZENTACIJU FIRME PBS BRNO...**



Privredna komora Kantona Sarajevo (PKKS) organizirat će u četvrtak 18. juna 2015. godine u 10.00 sat...

**U POMOĆ DITI SE UKLJUČUJU "OMEGA" I KOMORA...**



Na inicijativu Edima Džambića direktora "Omega" doo Živinice i Nedreta Kikanovića predsjednika Kantona...



VJESTI

NAJAVE

POZIM



PKKS 18. juna organizuje prezentaciju firme PBS Brno  
17.06.2015.



Prezentacija THYSSEN SCHACHTBAU GMBH, 18. juna  
17.06.2015.



Katastrofalno stanje u pivarskoj industriji BiH, pivari traže pomoć institucija  
17.06.2015.



Šta Kinezi planiraju graditi u BiH: Priča se o milijardama, uložena tri miliona KM  
16.06.2015.



BIMAL dogovorio izvoz jeshvog ulja u Kinu  
15.06.2015.



**PKKS 18. juna organizuje prezentaciju firme PBS Brno**

17.06.2015.

Privredna komora Kantona Sarajevo (PKKS) organizirat će u četvrtak 18. juna 2015. godine u 10.00...



**Prezentacija THYSSEN SCHACHTBAU GMBH, 18. juna**

17.06.2015.

Kantonalna privredna komora Tuzla u saradnji sa Thyssen Schachtbau GmbH, srdačno Vas pozivaju da...



**Katastrofalno stanje u pivarskoj industriji BiH, pivari traže pomoć institucija**

17.06.2015.

Predstavnici Grupacije proizvođača piva u BiH Vanjskotrgovinske komore BiH su prezentovali...



**Šta Kinezi planiraju graditi u BiH: Priča se o milijardama, uložena tri miliona KM**

16.06.2015.

Narodna Republika Kina uporno pokušava ekonomske odnose sa zemljama centralne i istočne Evrope...



**PKKS 18. juna organizuje prezentaciju firme PBS Brno**

15.06.2015.

Privredna komora Kantona Sarajevo (PKKS) organizirat će u četvrtak 18. juna 2015. godine u 10.00...



WWW.KPKKTZ.BA

